

ACORDO DE COLABORACIÓN ENTRE A UNIVERSIDADE DA CORUÑA E A ONG LABAÑOU SOLIDARIA PARA REALIZAR PRÁCTICAS FORMATIVAS AS ALUMNAS E ALUMNOS DO MÁSTER OFICIAL EN DIRECCIÓN E PLANIFICACIÓN DO TURISMO

A Coruña, de..... de.....

REUNIDOS

Dunha parte, D. José María Barja Pérez, Excmo. Reitor Magnífico da Universidade da Coruña, que intervén no seu nome e representación, segundo as facultades que lle autoriza o seu nomeamento, conforme o Decreto da Comunidade Autónoma de Galicia núm. 1/2004, do 8 de xaneiro, publicado no *Diario Oficial de Galicia* (DOG) do 9 de xaneiro de 2004 e de acordo coas competencias que lle outorgan o artigo 20 da Lei orgánica 6/2001, de universidades, do 21 de decembro, e o artigo 36.1.f) dos Estatutos desta universidade, aprobados polo Decreto 101/2004, do 13 de maio (DOG do 26 de maio).

E doutra, o Sr. D. Luis Astray, Presidente da ONG Labañou Solidaria en nome e representación da ONG.

Comparecendo ambas as partes, con nomeamento e facultades en vigor, na representación que manifestan exercer, recoñécense mutuamente capacidade xurídica suficiente para subscribir o presente convenio e, para tal efecto,

EXPOÑEN:

I. Que a Universidade da Coruña é unha institución destinada ao servizo público da educación superior, dotada de personalidade xurídica propia e cuxos Estatutos contemplan, entre as súas funcións, a preparación para o exercicio de actividades profesionais que esixan a aplicación de coñecementos e métodos científicos e para a creación artística.

II. Que a Universidade da Coruña, de acordo coas súas posibilidades, trata de lle dar resposta, a través dos seus centros, departamentos e institutos, á crecente necesidade de formación de posgrao e de especialización profesional que demanda a nosa sociedade. É por iso que ten entre os seus obxectivos impartir as ensinanzas necesarias co fin de formar o estudantado e preparalo

para o exercicio de actividades profesionais e dedícalle unha especial atención ao desenvolvemento de programas específicos de docencia establecidos a partir de necesidades concretas.

III. Que o Real decreto 56/2005, do 21 de xaneiro, polo que se regulan os estudos universitarios oficiais de posgrao, reconece xa na súa exposición de motivos, que é aconsellable dotar os estudos de posgrao da maior flexibilidade para que, no ámbito da súa autonomía, as universidades definan e desenvolvan as súas estratexias e a organización da formación especializada e investigadora.

No artigo 9.3 do citado real decreto dispón que a universidade, por pedimento do órgano responsable do desenvolvemento do programa formativo, poderá establecer acordos de colaboración con outras institucións e organismos públicos e privados, así como con empresas ou industrias. Todas estas colaboracións deberán contar coa autorización previa da universidade, por proposta do órgano responsable de desenvolver o programa.

IV. Que a Universidade da Coruña, a través da Facultade de Socioloxía, imparte o Máster de Especialización Profesional en Dirección e Planificación do Turismo, dirixido a formar profesionais de alto nivel na planificación e na xestión de destinos e produtos turísticos que inclúe un *prácticum* en que se concederán créditos por prácticas realizadas en entidades ou en institucións.

V. Que a ONG Labañou Solidaria realiza labores de desenvolvemento baseadas no turismo e está interesada en contribuír á formación do alumnado da Universidade da Coruña na área de Turismo e así conseguir profesionais debidamente capacitados e preparamos/as para a súa futura incorporación ao mercado laboral.

Por todo isto, acordan subscribir o presente acordo de colaboración, de conformidade coas seguintes

CLÁUSULAS

Primeira: obxecto do convenio

O presente acordo ten por obxecto que os alumnos e alumnas matriculados/as no Máster Oficial en Dirección e Planificación do Turismo da Universidade da Coruña realicen prácticas formativas na ONG Labañou Solidaria.

Segunda: características das prácticas

A ONG Labañou Solidaria recibirá ó alumnado da Universidade da Coruña durante un período de tempo de 300 horas como mínimo, responsabilizarse da súa formación durante a estancia. O estudiantado que participe nestas prácticas levará a cabo tarefas relacionadas coa planificación e coa xestión do Turismo.

Terceira: titores/as

Por parte da Universidade da Coruña, actuará como titor académico D. Antón Álvarez Sousa, catedrático do Departamento de Socioloxía, Ciencia Política e da Administración da Facultade de Socioloxía, ao cal están adscritas as prácticas e a quen corresponderá:

- Establecer o programa de actividades que desenvolverá cada estudante/a.
- Seguir o programa formativo desenvolto polo estudiantado para verificar o seu aproveitamento correcto.
- Cualificar as prácticas formativas.

Por parte da ONG Labañou Solidaria, *Dona Dolores Veiguela Moreno*, actuará como titora do estudante ou estudante durante a realización das prácticas e estaranlle encomendadas, durante este período, as tarefas de dirección, asesoramento e coordinación co titor da Universidade da Coruña.

Cuarta: obrigas dos estudantes e estudiantas

O alumnado seleccionado para participaren nos programas de prácticas formativas externas, quedarán sometidos ao réxime establecido en cada programa, así como a cumpriren as seguintes obrigas:

- Iniciar a práctica na data e coas condicións acordadas.
- Realizar con dilixencia e aproveitamento a actividade en que consista a práctica, de acordo co programa e coas condicións específicas aprobadas.

- Gardar con absoluto rigor o segredo profesional e non utilizar en ningún caso as informacións recollidas na ONG Labañou Solidaria co obxecto de lle dar publicidade ou de llo comunicar a terceiros/as.
- Non explotar aqueles traballos realizados na práctica sen a autorización expresa da ONG Labañou Solidaria nin durante o período que dure a práctica nin unha vez finalizada sen autorización expresa do ONG.
- Presentar ante o titor da Universidade da Coruña, no prazo de 30 días, que contarán a partir da finalización destas, unha memoria que reflecta a actividade realizada ao longo do período de prácticas formativas
- Comunicarlle ao seu profesor titor as incidencias que afecten ao desenvolvemento da práctica formativa.

O estudiantado será informado das obrigas e asinará a súa conformidade con elas antes de comezaren as prácticas.

Quinta: xestión

Correspóndelle á Universidade da Coruña, baixo a dirección do reitor ou da persoa en quen delegue, xestionar as prácticas formativas externas do alumnado da Universidade da Coruña.

Sexta: aportación

A ONG Labañou Solidaria proporciónalles ao alumno o alumna o aloxamento mentres duren as prácticas. O alumno/a realizará un mínimo de 5 horas de prácticas diarias.

Sétima: certificados

Ao finalizar o período de prácticas, a ONG Labañou Solidaria expedirá un certificado a favor do/a estudante/a en que conste expresamente a especialidade a que estivo orientada a súa formación, as actividades realizadas, a duración do período de prácticas realizado e o seu rendemento.

A súa vez, a Universidade da Coruña expedirá a favor da titora que designe a ONG Labañou Solidaria un certificado da súa colaboración durante o período da práctica.

Así mesmo, a Universidade da Coruña expedirá unha acreditación a nome da entidade pola súa colaboración.

Oitava: natureza da relación entre o estudiantado e o centro de prácticas

O obxecto deste convenio é posibilitarlles as/os estudantes a realización de diversas actividades fóra das dependencias universitarias coa finalidade de completar a súa formación. Dado este carácter formativo, a súa realización non establece relación contractual ningunha entre o/a estudante/a e a institución onde se leven a cabo, nin implica por parte da institución ningún compromiso canto á posterior incorporación dos ou das estudantes a esta..

Así mesmo, en ningún caso e baixo ningún concepto, durante o período establecido de duración destas prácticas formativas, a ONG Labañou Solidaria poderá cubrir un posto de traballo co alumnado que se acolla ao presente convenio.

Novena: seguros

A eventualidade de accidentes que lle puidesen afectar as persoas que realicen as prácticas, será cuberta polo seu seguro escolar nos casos en que o dito seguro proceda e por unha póliza de seguro adicional de accidentes e responsabilidade civil que ten subscrita a Universidade da Coruña para eses efectos.

Décima: interrupción do período de prácticas

Calquera das partes poderá interromper as prácticas por motivo xustifico. Deberalle comunicarse esta circunstancia por escrito á outra parte no prazo máximo de 10 días, que contarán desde a súa interrupción.

En todo caso, habilitaranse todas aquelas medidas necesarias para evitar que resulten prexudicados/as os alumnos ou alumnas que se encontren realizando as súas prácticas ao abeiro do presente convenio.

Undécima: Comisión Mixta de Seguimento do Convenio

A partir da sinatura do presente convenio, ambas as partes, de común acordo, constituirán unha Comisión Mixta de Seguimento con representantes designados por elas en réxime de paridade. A dita comisión responsabilizarase da planificación, do seguimento e da avaliación das accións derivadas do convenio.

A Comisión Mixta de Seguimento reunirse sempre que o solicite unha das partes e remitiralles informes e propostas aos órganos reitores de cada unha delas.

Duodécima: vixencia do convenio

O presente convenio de prácticas formativas entrará en vigor na data da súa sinatura. A súa vixencia estenderase até que finalice o Máster Oficial en Dirección e Planificación do Turismo e prorrogarse automaticamente por cada curso, salvo denuncia expresa por calquera das partes, que lle será comunicada por escrito á outra parte cunha antelación mínima de dous meses ao se iniciar o curso académico correspondente.

Décimoterceira: cumprimento e causas de resolución do convenio

Este convenio extinguirase por calquera das seguintes causas:

- Mutuo acordo das partes signatarias ou por denuncia dunha delas.
- Incumprimento das condicións pactadas polas partes ou irregularidades graves na execución do convenio.

En proba da conformidade, asínase o presente acordo por duplicado e no lugar e na data sinalados na cabeceira.

Pola Universidade da Coruña
O reitor

Pola ONG Labañou Solidaria
O presidente

José María Barja Pérez

Luis Astray Coloma